

Na osnovu člana 16. stav 2. Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 4. stav 1. Zakona o koncesijama- Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 31. sjednici, održanoj dana 14.06.2024. godine, d o n o s i

ODLUKU

o pristupanju provođenju procedure dodjele koncesije za istraživanje i eksploataciju mineralnog resursa lerzolita na lokalitetu „Ograina II“, K.O. Papratnica, Općina Žepče

Član 1.

(Predmet)

Pristupa se provođenju procedure dodjele koncesije za istraživanje i eksploataciju mineralnog resursa lerzolita na lokalitetu „Ograina II“, K.O. Papratnica, Općina Žepče.

Član 2.

(Lokacija)

- (1) Koncesiono polje za istraživanje i eksploataciju mineralnog resursa lerzolita na lokalitetu „Ograina II“, K.O. Papratnica, Općina Žepče ograničeno je graničnim linijama sa prijelomnim tačkama, kako slijedi:

KOORDINATE ZAHTIJEVANOG PROSTORA		
	Y	X
A	6498737	4919758
B	6498804	4919621
C	6499057	4919680
D	6499091	4919678
E	6498878	4919590
F	6498878	4919451
G	6498737	4919460
H	6498691	4919527
I	6498617	4919589
J	6498575	4919671

- (2) Ukupna površina traženog koncesionog polja na lokalitetu „Ograina II“, K.O. Papratnica, Općina Žepče iznosi 5,99 ha, a zemljište na kojem bi se vršilo istraživanje i eksploatacija u katastarskom operatu Općine Žepče nalazi se na dijelu parcela označenih sa:
- k.č. 51/14 (sa površinom od 9055 m²) zvana „Ograina“ po kulturi šuma 3. klase, površine 47800 m² upisana u PL br.85, KO Papratnica, kao posjed: općenarodna imovina 1/1,
 - k.č. br. 51/5, (sa površinom od 50545 m²) zvana „Kosa“ po kulturi šuma 3. klase, površine 429235 m² upisana u PL br.85, KO Papratnica, kao posjed: općenarodna imovina 1/1, i
 - k.č. 4/15 (sa površinom od 300 m²) po kulturi oranica 3. klase, površine 7874 m² upisana u PL br.15, KO Papratnica, kao suposjed: Ćurić Ante Ivo sa dijelom 6/30 i ostali.

Član 3. **(Opći eliminatorni uslovi)**

- (1) Opći eliminatorni uslovi za izbor najpovoljnije ponude za dodjelu koncesije za istraživanje i eksploataciju mineralnog resursa lertzolita na lokalitetu „Ograina II“, K.O. Papratnica, Općina Žepče su sljedeći:
 - a) Studija o ekonomskoj opravdanosti dodjele koncesije za istraživanje i eksploataciju mineralnog resursa lertzolita na ležištu „Ograina II“, K.O. Papratnica, Općina Žepče,
 - b) Dokaz o ranije stečenim pravima korištenja predmeta koncesije po osnovu vlasništva nad zemljištem i objektima ili odobrenja drugih organa dobivenih na osnovu posebnih zakona, u slučajevima kada je to neophodno za korištenje predmeta koncesije,
 - c) Zemljišno-knjižni izvadak za dio parcele (privatno vlasništvo) koje je shodno Posjedovnom listu označena kao k.č. 4/15 (sa površinom od 300 m²) po kulturi oranica 3. klase, površine 7874 m² i upisana u PL br.15, KO Papratnica, Općina Žepče,
 - d) Saglasnost svih vlasnika za dio parcele (privatno vlasništvo) k.č. 4/15 (sa površinom od 300 m²) po kulturi oranica 3. klase, površine 7874 m² upisana u PL br.15, KO Papratnica, da se predmetna parcela koristi kao predmet koncesije na period trajanja koncesije.
- (2) Opći eliminatorni uslovi vezani za ličnu i profesionalna sposobnost privrednog društva su sljedeći:
 - a) Uvjerenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu 3 godine prije početka postupka dodjele koncesije ili od datuma registracije odnosno početka poslovanja, ako je ponuđač registrovan ili je počeo sa radom prije manje od 3 godine),
 - b) Uvjerenje nadležnog organa da nije predmet stečaja ili likvidacije i da nije u postupku stečaja ili likvidacije,
 - c) Uvjerenje nadležnog organa o izmirenim javnim prihodima (porezi, indirektni porezi, doprinosi za PIO/MIO i plaćenju koncesionoj naknadi),
 - d) Aktuelno rješenje o upisu u sudski registar.
- (3) Dokazi se dostavljaju u originalu ili ovjerenoj kopiji i ne mogu biti stariji 3 mjeseca od dana dostavljanja ponude.
- (4) Opći eliminatorni uslovi vezani za ekonomsku i finansijsku sposobnost privrednog društva su sljedeći:
 - a) Izvod iz Jedinstvenog registra računa Centralne banke BiH o svim računima ponuđača,
 - b) Potvrda poslovne banke ponuđača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponuđač registrovan ili je počeo sa radom prije manje od 6 mjeseci.

Član 4. **(Posebni uslovi)**

Posebni uslovi za izbor najpovoljnije ponude za dodjelu koncesije za istraživanje i eksploataciju mineralnog resursa lertzolita na lokalitetu „Ograina II“, K.O. Papratnica, Općina Žepče su:

- a) Vrijeme koncesije na ovom polju je 12 (dvanaest) godina od dana potpisivanja Ugovora o koncesiji,
- b) Vrijeme koncesije za istraživanje je 1 (jedna) godina. Ovo vrijeme počinje od dana dobijanja Odobrenja za geološka istraživanja mineralne sirovine od nadležnog organa,
- c) Vrijeme koncesije za istraživanje se može produžiti shodno važećim materijalnim

- propisima, ali u vremenskom okviru od 12 (dvanaest) godina u skladu sa tačkom a) ovog člana, dok se preostali period do 12 (dvanaest) godina odnosi na eksploataciju mineralne sirovine,
- d) Koncesionar je dužan početi sa istraživanjima u roku od jedne godine od dana potpisivanja Ugovora o koncesiji, i ovo vrijeme je uključeno u ukupan period koncesije od 12 (dvanaest) godina,
 - e) Koncesionar je dužan plaćati kontinuiranu koncesionu naknadu od dana dobijanja Odobrenja za rad po Glavnom rudarskom projektu od nadležnog organa,
 - f) Koncesionar je dužan u roku od jedne godine nakon završenih istražnih radova, to jest potvrđenih geoloških rezervi Rješenjem nadležnog organa, početi sa eksploatacijom mineralne sirovine, i ovo vrijeme je uključeno u ukupan period koncesije od 12 (dvanaest) godina,
 - g) Za eksploatisane količine mineralne sirovine lerzolita koncesionar je dužan plaćati koncesionu naknadu u iznosu minimalno 0,90 KM/m³ čvrste mase (slovima: devedeset feniga po m³ čvrste mase),
 - h) Ugovorena visina kontinuirane koncesione naknade će se po isteku 5 godina od dana potpisivanja koncesionog ugovora, na zahtjev jedne od ugovornih strana, preispitati i eventualno sporazumno odrediti nova, viša ili niža u zavisnosti od promjena koje su se desile na tržištu i omjera cijena koncesione naknade u odnosu na cijene ostalih proizvoda i usluga koje direktno utiču na predmet koncesije,
 - i) Minimalna količina eksploatisane mineralne sirovine za koju je koncesionar obavezan plaćati kontinuiranu koncesionu naknadu je 50.000,00 m³ čvrste mase/godini (slovima: pedesethiljada metara kubnih čvrste mase u godini),
 - j) U slučaju da Koncesionar eksploatiše u toku godine više od 50.000,00 m³ čvrste mase, obavezan je platiti kontinuiranu koncesionu naknadu na eksploatisanu količinu po m³ čvrste mase utvrđenu shodno geodetskom elaboratu otkopanih količina, koji izrađuje ovlaštena institucija,
 - k) Minimalna jednokratna koncesiona naknada, regulisana Odlukom o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13, 16/18 i 9/20), je 1.000,00 KM/ha istražno-eksploatacionog prostora, pa za istražno-eksploatacioni prostor lerzolita na lokalitetu „Ograina II“, K.O. Papratnica, Općina Žepče, ukupne površine 5,99 ha, minimalna jednokratna koncesiona naknada iznosi 5.990,00 KM (slovima: pethiljada devetstotinadevedeset konvertibilnih maraka).

Član 5.

(Ostali uslovi)

- (1) Ostali uslovi za izbor najpovoljnije ponude za dodjelu koncesije uključuju da će se koncesija dodijeliti prema kriteriju najpovoljnijeg ponuđača, odnosno po principu najvećeg zbira bodova po osnovu kriterija iz javnog poziva, koji uključuju visinu kontinuirane koncesione naknade, visinu jednokratne koncesione naknade, minimalnu godišnju realizaciju predmeta koncesije, kao i na osnovu općih kriterija dodjele koncesije za istraživanje i eksploataciju.
- (2) Vrednovanja ponuda vrši se na sljedeći način:
 - a) kontinuirana koncesiona naknada maximalno 60
bodova;
Ponuđač sa najvišom ponudom dobija 60 (šezdeset) bodova.
Svaka naredna niža ponuda dobija 5 (pet) bodova manje.
 - b) jednokratna koncesiona naknada maximalno 20
bodova;

Ponudáč sa najvišom ponudom dobija 20 (dvadeset) bodova.
Svaka naredna niža ponuda dobija 5 (pet) bodova manje.

c) minimalna godišnja realizacija
bodova;

maximalno 20

Ponudáč sa najvišom ponudom dobija 20 (dvadeset) bodova.
Svaka naredna niža ponuda dobija 5 (pet) bodova manje.

- (3) U slučaju da su dvije ili više ponuda jednako rangirane po broju bodova, prednost ima ponuda sa najvišom kontinuiranom koncesionom naknadom. U slučaju da su dvije ili više ponuda jednako rangirane po broju bodova i nude jednak iznos kontinuirane koncesione naknade, prednost ima ponuda sa najvišom jednokratnom koncesionom naknadom. U slučaju da su dvije ili više ponuda jednako rangirane po broju bodova i nude jednak iznos kontinuirane i jednokratne koncesione naknade, prednost ima ponuda koja je zaprimljena ranije.
- (4) Privredno društvo, koje je ponudáč u postupku dodjele koncesije, dužno je dostaviti Izjavu, ovjerenu od strane nadležnog organa, kojom se pod punom materijalnom i krivičnom odgovornošću obavezuje da će, nakon donošenja Odluke o dodjeli koncesije, sa Općinom Žepče potpisati Sporazum kojim će se regulisati njegove obaveze prema Općini Žepče, koje su navedene u Saglasnosti Općinskog vijeća Žepče, broj: broj: 01-19-158/23 od 30.11.2023. godine i Odluci o izmjeni i dopuni Saglasnosti, broj: 01-19-30/24 od 29.02.2024. godine, kojom se daje saglasnost za pokretanje procedure za dodjelu koncesionog prostora za istraživanje i eksploataciju mineralnog resursa lerzolita na ležištu „Ograina II“ KO Papratnica Općina Žepče.
- (5) Najpovoljniji ponudáč-koncesionar dužan je, prije potpisivanja koncesionog ugovora, Ministarstvu za privredu dostaviti:
- a) geodetski elaborat „nultog stanja“,
 - b) uplatnicu na iznos jednokratne koncesione naknade,
 - c) ovjerenu jednu ili više mjenica sa mjeničnom izjavom na ukupan iznos minimalne godišnje kontinuirane koncesione naknade,
 - d) Sporazum potpisan sa Općinom Žepče u skladu sa čl. 5. stav (4) ove Odluke,
 - e) Potpisan ugovor o zakupu sa svim vlasnicima na period trajanja koncesije za privatni dio parcele k.č 4/15 (sa površinom od 300 m²) po kulturi oranica 3.klase, površine 7874 m² upisana u PL br.15, KO Papratnica, Općina Žepče, koja će se koristiti kao predmet koncesije, ovjeren od strane nadležnog organa.
- (6) Najpovoljniji ponudáč- koncesionar dužan je u roku od jedne godine od potpisa Ugovora o koncesiji, izvršiti upis koncesionog prava u Zemljišne knjige i dostaviti Ministarstvu za privredu zemljišno-knjižni izvadak sa identifikacijom parcela po starom i novom premjeru sa naznačenim katastarskim česticama i površinama.

Član 6. (Eksploatacija)

Radove eksploatacije, kao i sve druge prateće rudarske poslove, koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa te drugih važećih zakonskih propisa.

Član 7. (Provođenje postupka izbora)

Zadužuje se Ministarstvo za privredu da, putem Komisije koju imenuje ministar Ministarstva za privredu, provede postupak prikupljanja ponuda, izvrši odabir i predloži

Ministarstvu za privredu najpovoljnijeg ponuđača.

Član 8.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-11262/24
Datum, 14.06.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za privredu,
1x Ministarstvo za prostorno uređenje, promet i komunikacije
i zaštitu okoline,
1x Ministarstvo za poljoprivredu, šumarstvo i vodoprivredu,
1x Općina Žepče, putem Ministarstva,
1x „Službene novine Zeničko-dobojskog kantona“,
1x a/a.